



13
1787
6



13
1787
卷 6

五行

漢書武王問雒書於箕子箕子對禹得雒書之意也初一日五行次二曰羞用五事次三曰農用八政次四曰財用五紀次五曰建用皇極次六曰艾用三德次七曰明用稽疑次八曰念用庶徵次九曰嚮用五福畏用六極凡此六十五字皆雒書本文所謂天廼錫禹大法九章常事所次者也以為河圖雒書相為經緯八卦九章相為表裏昔殷道弛文王演周易周道敝孔子述春秋則乾坤之陰陽效洪範之咎徵天人之道粲然著矣漢興承秦滅學之後景武之世董仲舒治公羊春秋始推陰陽為儒者宗宣元之後劉向治穀梁春秋數其畝福傳以洪範與仲舒錯至向子歆治左氏傳其春秋意亦已乖矣言五行傳又頗

不同是以摭仲舒別向歆傳載眭孟夏侯勝京房谷永李尋之徒所陳行事訖于王莽舉十二世以傳春秋著于篇

經曰初一日五行五行一曰水二曰火三曰木四曰金五曰土水曰潤下火曰炎上木曰曲直金曰從革土爰稼穡傳曰田獵不宿飲食不享出入不節奪民農時及有姦謀則木不曲直說曰木東方也於易地上之木爲觀其於王事威儀容貌亦可觀者也故行步有佩玉之度登車有和鸞之節田狩有三驅之制飲食有享獻之禮出入有名使民以時務在勸農桑謀在安百姓如此則木得其性矣若迺田獵馳騁不反宮室飲食沉湎不顧法度妄興繇役以奪民時作姦詐以傷民財則木失其性矣蓋工匠之爲輪矢者多傷敗及木爲變怪是爲木不曲直春秋

公十六年正月兩木冰劉歆以爲上陽施不下通下陰施不上達故雨而木爲之冰零氣寒木不曲直也

傳曰棄法律逐功臣殺太子以妾爲妻則火不炎上說曰火南方揚光輝爲明者也其於王者南面鄉明而治賢佞分別官人有序帥由舊章敬重功勳殊別適庶如此則火得其性矣若迺信道不篤或耀虛僞讒夫昌邪勝正則火失其性矣自上而降及濫炎妄起災宗廟燒宮館雖與師衆弗能救也是爲火不炎上春秋桓公十四年八月壬申御廩災劉向以御廩夫人入妾所舂米之臧以奉宗廟者也時夫人有淫行挾逆心天戒若曰夫人不可以奉宗廟釐公二十年五月乙巳西宮災董仲舒以爲釐娶於楚而齊媵之脅公使立以爲夫人西宮者小寢夫人

之居也若曰妾何爲此宮誅去之意也以天災之故大之曰西宮也左氏以爲西宮者公宮也言西知有東東宮太子所居言宮舉區皆災也昭公九年夏四月陳火左氏經曰陳災傳曰鄭裨竈曰五年陳將復封封五十二年而遂亡子產問其故對曰陳水屬也火水妃也而楚所相也今火出而火陳逐楚而建陳也妃以五成故曰五年歲五及鶉火而後陳卒亡楚克有之天之道也說曰顓頊以水王陳其族也今茲歲在星紀後五年在大梁大梁鼎也金爲水宗得其宗而昌故曰五年陳將復封楚之先爲火正故曰楚所相也天以一生水地以二生火天以三生木地以四生金天以五生土五位皆有五而合而陰陽易位故曰妃以五成然則水之大數六火七木八金九土十故水以

天一爲火二牡木以天三爲土十牡土以天五爲水六牡火以天七爲金四牡金以天九爲木八牡陽奇爲牡陰耦爲妃故曰水火之牡也火水妃也於易坎爲水爲中男離爲火爲中女蓋取諸此也自大梁四歲而及鶉火四周四十八歲凡五及鶉火五十二年而陳卒亡火盛水衰故曰天之道也

傳曰治宮室飾臺榭內淫亂犯親戚侮父兄則稼穡不成說曰土中央生萬物者也其於王者爲內事宮室夫婦夫婦親屬亦相生者也古者天子諸侯宮廟大小高卑有制后夫人媵妾多少進退有度九族親疏長幼有序如此則上得其性矣若廼奢淫驕慢則土失其性有水旱之災而草木百穀不熟是爲稼穡不成嚴公二十八年冬大水亡麥禾董仲舒以爲夫人哀姜淫

亂逆陰氣故大水也劉向以爲水旱當書不書水旱而曰大水
麥禾者土氣不養稼穡不成者也

傳曰好戰攻輕百姓飾城郭侵邊境則金不從革說曰金西方
萬物既成殺氣之始也故立秋而鷹隼擊秋分而微霜降其於
王事出軍行師把旄杖鉞誓士衆抗威武所以征畔逆止暴亂
也動靜應誼說以犯難民忘其死如此則金得其性矣若廼貪
欲恣睢務立威勝不重民命則金失其性蓋工冶鑄金鐵金鐵
冰滯涸堅不成者衆及爲變怪是爲金不從革成帝鴻嘉三年
五月乙亥天水冀南山大石鳴聲隆隆如雷有頃止聞平襄二
百四十里壑雞皆鳴石長丈三尺廣厚畧等旁著崖脅去地二
百餘丈民俗名曰石鼓石鼓鳴有兵是歲廣漢鉏子謀攻牢是

時起昌陵作者數萬人徙郡國吏民五千餘戶以奉陵邑作治
五年不成乃罷昌陵還徙家石鳴與晉石言相應師曠所謂民
力彫盡傳云輕百姓者也

傳曰簡宗廟不禱祠廢祭祀逆天時則水不潤下說曰水北方
終藏萬物者也其於人道命終而形藏精神放越聖人爲之宗
廟以收魂氣春秋祭祀以終孝道王者卽位必郊祀天地禱祈
神祇望秩山川懷柔百神亡不宗事慎其齋戒致其嚴敬鬼神
歆饗多獲福助此聖王所以順事陰氣和神人也至發號施令
亦奉天時十二月感得其氣則陰陽調而終始成如此則水得
其性矣若乃不敬鬼神致令逆時則水失其性霧水暴出百川
逆溢壞鄉邑溺人民及淫雨傷稼穡是爲水不潤下嚴公七年

秋大水亡麥田董仲舒劉向以為嚴母文姜與兄齊襄公淫共
 殺桓公嚴釋父讐復取齊女未入先與之淫一年再出會於道
 逆亂臣下賤之之應也成公五年秋大水董仲舒劉向以為時
 成幼弱政在大夫前此一年再用師明年復城鄆以彊私家仲
 孫蔑叔孫僑如顓會宋晉陰勝陽高后三年夏漢中南郡大水
 水出流四千餘家四年秋河南大水伊維流千六百餘家汝水
 流八百餘家八年夏漢中南郡水復出流六千餘家南陽沔水
 流萬餘家是時女主獨治諸呂相王

褚先生傳臣為郎時與太卜待詔為郎者同署言曰孝武帝時
 聚會占家問之某日可取婦乎五行家曰可堪輿家曰不可建
 除家曰不吉叢辰家曰大凶歷家曰小凶天人家曰小吉太一

家曰大吉辨訟不決以狀聞制曰避諸死忌以五行為主

取於五行者也後書五行傳說及占應前五志詳夫太宇應劭

後漢書明帝時公車以及支日不受章奏帝聞而怪曰民廢農

業遠來詣闕復拘以禁忌豈為政之意乎遂蠲其制日用月朔

朔一辰反支申酉朔二日反支午未三日辰巳四日寅卯五日子丑六日見陰陽書

范曄方術傳陰陽推步之學往往見於墳記矣然神經怪牒王
 策金繩關高於明靈之府封滕於瑤壇之上者靡得而闕也至
 乃河雒之文龜龍之圖箕子之術師曠之書緯候之部鈴決之
 符皆所以探抽冥贖參驗人區時有可聞者焉其流又有風角
 遁甲七政元氣六日七分逢占日挺專須史孤虛之術及望雲
 省氣推處祥妖時亦有以效於事也漢自武帝頗好方術天下

懷協道執之士莫不負策抵掌順風而屈焉後王莽矯用符命及光武尤信讖言士之赴趣時宜者皆馳騁穿鑿爭談之也故王梁孫成名應圖繇越登槐鼎之任鄭興賈逵以附同稱顯桓譚尹敏以乖忤淪敗自是習為內學尚奇文貴異數不乏於時矣中世張衡乃陰陽之宗郎顛咎徵叢密餘亦班班名家焉漢郭鎮傳河南吳雄少家貧喪母營人所不封土擇塋其中喪事趣辦不問時日醫巫皆言當族滅雄後致位司徒子孫三世廷尉桓帝時汝南陳伯敬行必矩步坐必端膝呵叱狗馬終不言死目所見不食其肉行路聞凶便解駕留止還觸歸忌則寄宿鄉亭年老不過舉孝廉後坐女婿亡吏太守怒而殺之肅宗時司隸校尉趙興每入官舍輒更繕脩館宇移穿改築故犯妖

祭子孫三世為司隸

鄭鮮之啓宋武帝明日見南蠻是四廢日來月朔好可從否曰足下勤至吾不擇日

後魏書武帝討賀驎太史令姚崇曰紂以甲子亡兵家忌之帝

曰紂以甲子亡周武王不以甲子勝乎崇無以對進軍大破之

晉武帝攻慕容超諸將曰往亡之日兵家所忌帝曰我在彼亡吉孰大焉遂平廣固唐李愬攻蔡吳房吏曰往亡日法當避愬曰彼謂之不來此可避也

顏氏家訓論辰不哭陰陽家云辰為水墓又為土墓故不得哭

王充論衡云辰日不哭哭則重喪今無教者辰日有喪不問輕

重舉家清謚不敢發聲以辭吊客道書又曰晦歌朔哭皆當有

罪天奪之算喪家朔望哀感彌深寧當惜壽又不哭也

張公謹卒太宗

將出次哭之有司奏曰不可帝曰君臣猶父子也情感於內安有所避遂哭之

索隱墨子北之齊遇日者日者曰帝以今日殺黑龍於北方而

先生之色黑不可以址墨子不聽遂址至淄水墨子不遂而反馬日者曰我謂先生不可以址然則古人占候卜筮通謂之日者墨子亦云非史記也

沈頰時日無吉凶辨古者國家將有事乎戎祀必先擇時日以定其期是用備物於有司習儀於禮寺俾臻其慮而戒其誠非所定吉凶決勝負也且吉凶由人焉繫時日夫四達之衢輪蹄未嘗息也五都之市貨賄未嘗絕萬家之邑斤斧未嘗息也五都之市戰伐未嘗已也其凶也必由於人其吉也必由於人故吉人凶其吉凶人吉其凶一於人之所為而已矣然則惑者不知其在人也有一不吉則罪於時日矣且以不謀之將不練之士有能以不日時勝乎不耕之士不實之穀有能以時日種者乎以鐵為金以石為玉有能以時日濟者乎是皆不能也則時日於人何有哉

宋書嘉祐中將脩東華門太史言太歲在東不可犯仁宗皇帝批其奏曰東家之西乃西家之東西家之東乃東家之西太歲果安在哉其興工勿忌

晉禮儀志晉穆帝納后欲用九月是忌月范汪問王彪之答云禮無忌月

康節先生出行不擇日或告之以不利則不行蓋曰人未言則不知既言則有知而必行故鬼神敵也

清江雜記正五九仕宦者不交印俗忌牢不可破初不知為藩鎮開府犒勞將佐宰殺物命設恐傷物命固然何獨此三月豈以浮屠氏謂此九十日為齋素月耶不經之甚御筆除權無非日下供職何嘗問日辰利不利或曰歷日上所書黃道假也君

命到門真黃道也或謂宋朝大德火生於寅旺於午墓於戌此三箇月官員例減祿料無羊故謂無羊之月

容齋隨筆今世俗營建宅舍或小遭疾厄皆云犯土故道家有謝土司章醮之文按後漢書安帝時皇太子驚病不安避幸乳母野王聖舍太子厨監邴吉以為聖舍新繕脩犯土禁不可久御然則古有其說矣

諸家要指夫陰陽家之所謂吉神者多陽也不然則陽之合也所謂凶煞者多陰也不然則陰之合也七曜莫尊乎太陽太陽所照之方雖敵體如月且缺而不盈五星行天且伏逆而不敢當而况於諸神煞乎大明當空群陰退伏則太陽所照之方及正對之宮或三合之地皆諸神之不敢當者也此捷法也太陽

所照之宮即正月亥二月戌三月酉四月申五月未六月午七月巳八月辰九月卯十月寅十一月丑十二月子是也其法具六壬釋義中然與之同宮尤不若所照之方蓋緣同宮有隔二十八度者所謂同宮千里非其光之所及故也其次莫如木星今人所傳雷霆年月所謂雷霆即木星也禪竈所論歲星是也歲星所在之分野其國不可伐紂亡之時歲星在鶉火鶉火周分也周人曰我祖后稷馮鳥以為農祥而興國又福德在越而吳伐之知其必亡此皆其驗也震為雷為卯卯為木旺之地又太陽行室宿十二度為驚蟄而雷火星在此宮度此所以謂之雷霆也五行家以亥卯未為三合又以寅亥二宮為木樂喜旺之地故木星所臨之宮與夫對照之宮皆尅擇家之所謂吉無

不利者也此又捷法也然須不在逆伏段中乃吉乃無不利凡與太陽相對前後十三度為逆段同宮前後十三度為伏段光蓋體匿謂之伏畏太陽而倒行謂之逆此木星之所不照者也然又有木星不過子丑之說傳有之曰浮于亥枵者子位也玄枵以害鳥孛明年其在諏訾其說以為木星惡子是篡敗沐之地故子年不使木星為其無氣也則非不行子丑也法莫有捷于此二者

瑞徵

爾雅春為青陽夏為朱明秋為白藏冬為玄英四氣和謂之玉燭春為發生夏為長贏秋為收成冬為安寧四時和為通正謂之永風甘雨時降萬物以嘉謂之醴泉

白虎通王者承天順理故符瑞駢臻應德而至德及天即斗極明日月光甘露降德至地即嘉禾生蓂莢起德至禽獸即鳳凰翔鸞鳥舞麒麟臻狐九尾雉白首白鹿見德至山陵即景雲集芝實茂陵出黑丹山出器車澤出神馬德至淵泉即黃龍見醴泉湧河出龍圖雒出龜書江出大貝海出名珠德至八方即祥風至鍾律調孝道至即蓬蒲出庖廚不搖自扇於飲食清涼助供養也繼嗣平即賓連生於房戶賓連者木名也連累相承故生於房戶象繼嗣也日曆得其分即蓂莢生於階間蓂莢者樹名也月一日一莢生十五日畢至十六日一莢去故夾階而生以明日月也賢不肖位不踰即平露生於庭平露者樹名也官位得其人則生狐九尾何狐死首丘不忘本也必九尾者九配

得其所子孫蕃息也於尾者明後當盛也

瑞應圖騰黃者神馬也其色黃王者德御四方則至一名吉光

乘之壽三千歲又乘黃王者輿服有度則至騏驎者神馬也與

飛兔同以明君有德則至也又曰飛兔者行萬里馬治水土勤

勞天應其德則至馱蹄者后土之獸也自能言語王者仁孝於

民則出禹治水有功而來龍馬者仁馬河水之精也高八尺五

寸長頸鬣上有翌旁垂毛鳴聲九音有明王則見

拾遺記帝堯在位聖德光洽河雒之濱得玉版方尺圖天地之

形又獲金鑿之瑞文字炳炳記天地造化之始幽州之墟羽山

之北有善鳴之禽人面鳥喙八翼一足毛色如雉行不踐地名

曰青鸛其聲似鐘磬笙竽也世語曰青鸛鳴時太平登位三十

年有巨查浮於西海查上有光夜明晝滅海人望其光乍大乍

小若星月之出入矣查常浮繞四海十二年一周天周而復始

名曰貫月查亦謂挂星查 舜葬蒼梧之野有鳥如雀丹州

而來吐五色之氣氤氳如雲名曰憑霄雀銜青砂珠積成壘阜

名曰珠丘其珠輕細風吹如塵起名曰珠塵今蒼梧之外山人

採藥時有得青石圓潔如珠服之不死帶者身輕故仙人方迴

遊南嶽七言讚曰珠塵圓潔輕且明有道服者得長生

宋志北考讖堯在位七十年將以天下禪舜乃潔齋脩壇塲于

河雒率舜等升首山遵河渚有五老游焉蓋五星之精也相謂

曰河圖將浮龍啣玉苞刻版題命可卷金泥玉檢封書成知我

者重瞳黃姚視五老飛為流星上入昴宣德皇后令五老游河

飛星入鼎

搜神記舜耕于歷山得玉曆于河際之巖舜知天命在己體道

不倦

國語夏道將興青龍止于郊祝融降于崇山

宋志湯時禱祝之神見于邳山有神牽白狼銜鉤而入商朝金德將盛銀自山溢湯將奉天命放桀夢及天而錫之遂有天下

孔子作春秋制孝經既成使七十二弟子向北辰星齋折而立使曾子抱河雒事北向孔子齋戒向北辰而拜告備于天曰孝經四卷春秋河雒凡八十一卷謹以備天乃洪爵起白霧摩地赤虹自上下化為黃玉長三尺上有刻文孔子跪受而讀之曰寶文出劉季握刃金刀在軫北字禾子天下服

王命論初劉媪妊高祖而夢與神遇震電晦冥有龍蛇之怪及

長而多靈有異於衆是以王武感物而折契呂公觀形而進女

秦皇東遊以厭其氣呂后望雲而知所處始受命則白蛇分西

入關則五星聚故淮陰留侯謂之天授非人力也

陸機功臣頌慶雲應輝皇

傳幹王命論世祖之興有四一曰帝皇之正統二曰形相多異

表三曰體文而知武四曰履信而好士若其徵符初育則靈光

鑿于室隳嘉禾滋于邑壤其望舊廬有火光之異其渡呼沱有

河合之應西門君惠先識其諱強華獻符千里同驗劉歆改名

而隕其身王長錯卦而見吉兆故王遵謂之天授非人力也

宋志吳之未亡也吳郡臨平湖一旦自開湖邊得石函中有小

青石刻作皇帝字舊言臨平湖塞天下亂開則天下太平吳人

以為美祥俄而吳滅後元帝興於江左

始皇時望氣者云五百
年後江東有天子氣出

於吳於是始皇改金陵曰秣陵鑿北山以
斷其勢孫權自謂當之實應在元帝也

晉志孝武帝始四歲時哀帝興寧三年五月廬陵南昌縣脩明
家有伏栗樹是日忽復起生及得位嗣統識者竊曰南昌脩明
之祥帝諱實應之矣是與漢宣帝同象也

南史梁武帝生而有異光狀貌殊特日角龍顏重岳虎顧舌文
八字項有浮光身映日無景兩髀駢骨項上隆起有文在右手
曰武帝為兒時能蹈空而行及長所居室中常若雲氣

咸定錄隋末望氣者云龍門有天子氣連太原甚盛故煬帝置
離宮數遊汾陽以厭之後高祖起義兵汾陽遂有天下 高
祖之臨岐州太宗時年四歲有書生自言善相謁高祖曰公貴

人也且有貴子見太宗曰龍鳳之姿天日之表年將二十必能
濟世安民矣

雜中記異高祖將舉義師西入長安夜夢忽身死墜于床下為
羣蛆所食及覺甚惡之乃詣智滿禪師而密話之滿即賀曰公
得天下矣帝大驚謂滿曰何謂也滿曰人臣不敢直指天子故
曰陛下死是斃也墜床是下也蛆趨附也羣蛆共所食者是億
兆趨附至尊之象也

潘炎賦玄宗臨潞州景龍二年四月十七日在廳事假寐白鶴
觀道士宋大辨等三十人同見赤龍據案始三歲則天御高樓
抱之眺望誤墜于地奔下扶擁帝怡然無虧損之狀太宗未建
義時常飲
酒醉臨劉文靜家文靜坐樓上見宅南大池中有白龍下
飲水池中大魚皆躍上岸太宗醒云夢入公家池中飲水

舊唐書上所居里名隆慶時人語訛以隆為龍帝庶人稱制改元又為唐隆皆符御名上益自負開元二年八月太子薛謙光獻東郡九鼎銘其豫州鼎銘武后所製文曰犧農首出軒昊應期唐虞繼踵湯武乘時天下光宅域內雍熙上玄降祉方建隆基

五代史周太祖微時嘗晝寢有如小虺五色出入顴鼻之間在太原時有神尼同姓見太祖謂李瓊曰我宗天上大仙當為世界主瓊詰其故曰頂上有肉角也

宋史董遵誨父宗本仕漢為隋州刺史宋太祖微時客遊至漢東依宗本遵誨憑藉父勢嘗侮之一日謂太祖曰每見城上紫雲如蓋又夢登高臺遇黑蛇約長百餘尺俄化龍飛騰東去

雷電隨之是何祥也太祖皆不對及即位一日便殿召見諭之曰卿尚記往日紫雲及龍化之夢乎

答徵

周禮以荒政十二聚萬民一曰散貨財二曰薄征三曰緩刑四曰弛力五曰舍禁六曰去幾七曰青禮八曰殺哀九曰蓄樂十曰多婚十一曰索鬼神十二曰除盜賊

爾雅穀不熟為饑蔬不熟為饑果不熟為荒仍饑為薦

韓詩外傳一穀不升曰歉二穀不升曰饑三穀不升曰饑四穀

不升曰荒五穀不升曰大侵王莽傳世世獻登注進業曰登餘三年食再登曰平餘六年食三登

曰泰餘九年食

漢書五行志經曰羞用五事一曰貌二曰言三曰視四曰聽五

曰思貌曰恭言曰從視曰明聽曰聰思曰睿恭作肅從作艾明作愬聰作謀睿作聖休徵曰肅時雨若艾時陽若愬時奧若謀時寒若聖時風若咎徵曰狂恒雨若僭恒陽若舒恒奧若急恒恒寒若霧恒風若

傳曰貌之不恭是謂不肅厥咎狂厥罰恒雨厥極惡時則有服妖時則有龜孽時則有雞旣時則有下體生上之病唯金沴木說曰凡草木之類謂之妖妖猶天胎言尚微類謂之孽孽則牙孽矣及六畜謂之旣言其著也及人謂之痾痾病貌言寤深也甚則異物生謂之青自外來謂之祥祥猶禎也氣相傷謂之沴沴猶臨莅不和意也內曰恭外曰敬人君行已體貌不恭怠慢驕蹇則不能敬萬事失在狂易故其咎狂也上慢下暴則陰

氣勝故其罰常雨也水傷百穀衣食不足則姦軌竝作故其極惡也風俗狂慢變節易度則爲剽輕竒怪之服故有服妖水類故有龜孽於易巽爲雞雞有冠距文武之貌不爲威儀貌氣毀故有雞旣上失威儀則下有彊臣害君上者故有下體生於上之痾木色青故有青青祥凡貌傷者病木氣木氣病則金沴之衝氣相通也成公十六年公會諸侯于周單襄公見晉厲公視遠步高告公曰晉將有亂魯侯曰敢問天道也抑人故也對曰吾非瞽史焉知天道吾見晉君之容殆必禍者也夫君子目以定體足以從之是以觀其容而知其心矣目以處誼足以步目晉侯視遠而足高目不在體而足不步目其心必異矣目體不從何以能久夫合諸侯民之大事也於是乎觀存亡故其國

將無咎其君在會步言視聽必皆無謫則可以知德矣視遠曰絕其誼足高曰棄其德言爽曰反其信聽淫曰離其名夫目以處誼足以踐德口以庇信耳以聽名者也故不可不慎偏喪有咎既喪則國從之晉侯奭二吾是以云隱公九年三月癸酉大雨震電庚辰大雨雪大雨雨水也震雷也劉歆以爲三月癸酉於歷數春分後一日始震電之時也當雨而不當大雨大雨常雨之罰也於始震電八日之間而大雨說常寒之罰也天戒若曰爲君失時賊弟佞臣將作亂矣後八日大雨雪陰見間隙而勝陽篡殺之旤將成也公不寤後二年而殺愍公二年晉獻公使太子申生帥師公衣之偏衣佩之金玦狐突曰時事之徵也衣身之章也佩衰之旗也故敬其事則命以治服其身則衣之

純用其衰則佩之度今命以時卒聞其事也衣以有服遠其躬也佩以金玦棄其衰也服以遠之時以閔之有涼冬殺金寒玦離胡可恃也梁餘子養曰帥師者受命于廟受服于社有常服矣弗獲而危命可知矣死而不孝不如逃之罕夷曰左奇無常金玦不復君有心矣後四年申生以讒自殺近服妖也昭帝時昌邑賀遣中大夫之長安多治仄注冠以賜大臣又以冠奴劉向以爲近服妖也賀爲王時又見大白狗冠方山冠而無尾此服妖亦犬旤也賀以閔郎中令龔遂遂曰此天戒言在仄者盡冠狗也去之則存不去則亡矣賀旣廢數年宣帝封之爲列侯復有罪死不得置後又犬旤無尾之效也宣帝黃龍元年未央殿輅輅中雌鷄化爲雄毛衣變化而不鳴不將無距元帝初元

中丞相府史家雌雞伏子漸化為雄冠距鳴將永光中有獻雄雞生角者黃龍元年宣帝崩太子立是為元帝王妃將為皇后故是歲未央殿中雌雞為雄明其占在正宮也不鳴不將無距貴始萌而尊未成也元帝元年立王婕妤好為皇后明年正月立皇后子為太子故應是丞相府史家雌雞為雄其占即丞相少史之女也伏子者明已有子也冠距鳴將者尊已成也元帝崩皇太子立是為成帝尊王皇后為皇太后以后弟鳳為大司馬大將軍領尚書事上委政無所與王氏之權自鳳起故於鳳始受爵位時雄雞有角明視作威顯君害上危國者從此人始也其後羣弟世權以至於莽遂篡天下成公七年正月鼯鼠食郊牛角改卜牛又食其角劉向以為近青祥亦牛甌也不敬而備

霜之所致也昭帝元鳳元年九月燕有黃鼠銜其尾舞王宮端門中王往視之鼠舞如故王使吏以酒脯祠鼠舞不休一日一夜死近黃祥時燕刺王旦謀反將死之象也景帝三年十二月吳二城門自傾大船自覆劉向以為近金沴木木動也先是吳王濞以太子死於漢稱疾不朝陰與楚王戊謀為逆亂城猶國也其一門名曰楚門一門曰魚門吳地以船為家以魚為食天戒若曰與楚所謀傾國覆家吳王不寤正月與楚俱起兵身死國亡

傳曰言之不從是謂不艾厥咎僭厥罰恒陽厥極憂時則有詩妖時則有介虫之孽時則有犬甌時則有口舌之痾時則有白青白祥惟木沴金言之不從從順也是謂不义义治也孔子曰

君子居其室出其言不善則千里之外違之况其邇者乎詩曰如蠅如蟪如沸如羹言上號令不順民心虛譁憤亂則不能治海內失在過差故其咎僭僭差也刑罰妄加羣陰不附則陽氣勝故其罰常陽也旱傷百穀則有寇難上下俱憂故其極憂也君炆陽而暴虐臣畏刑而枿口則怨謗之氣發於謠謠故有詩妖介虫孽者謂小虫有甲飛揚之類陽氣所生也於春秋為螽今謂之蝗皆其類也於易兌為口犬以吠守而不可信言氣毀故有犬齕一曰旱歲犬多狂死及為怪亦是也及人則多病口喉咳者故有口舌病金色白故有白青白祥史記周單襄公與晉卻錡卻犇卻至齊國佐語告魯成公曰晉將有亂三卻其當之夫卻氏晉之寵人二卿而五大夫可以戒懼矣高位實疾顛

味實脂毒今卻伯之語犯叔迂季伐犯則陵人迂則誣人則掩人有是寵也而益之以三怨其誰能忍之雖齊國子亦將與焉立於淫亂之國而好盡言以招人過怨之本也唯善人能受盡言齊其有乎十七年晉殺三卻十八年齊殺國佐凡此屬皆言不從之咎云昭公十五年晉籍談如周葬穆后既除喪而燕王曰諸侯皆有以填撫王室晉獨無有何也籍談對曰諸侯之封也皆受明器於王室故能薦彝器晉居深山戎翟之與鄰拜戎不暇其何以獻器王曰叔氏其忘諸乎叔父唐叔成王之母弟其反亡分乎昔而高祖司晉之典籍以為大正故曰籍氏女司典之後也何故忘之籍談不對賓出王曰籍父其無後乎數典而忘其祖籍談歸以語叔嚮叔嚮曰王其不終乎吾聞所

樂必卒焉今王樂憂若卒以憂不可謂終王一歲而有三年之喪二焉於是乎以喪賓燕又未彛器樂憂甚矣三年之喪雖貴遂服禮也王雖弗遂燕樂已早禮王之大經也一動而失二禮無大經矣言以考典典以志經亡經而多言舉典將安用之嚴公三十一年冬不雨是歲一年而三築臺奢侈不恤民釐公二年冬十月不雨三年春正月不雨夏四月不雨六月雨先是者嚴公夫人與公子慶父淫而殺二君國人攻之左氏晉獻公時童諶曰丙之晨龍尾伏辰初服振振取號之旂鷄之責責天策焯焯火中成軍號公其赫是時號為小國介夏陽之阨怙虞國之助亢衡於晉有炕陽之節失臣下之心晉獻伐之問於卜偃曰吾其濟乎偃以童諶對曰克之十月朔丙子曰日在尾月在

策鷄火中必此時也冬十二月丙子朔晉師滅虢文成之世童諶曰鷄之鶴之公出辱之鷄鶴之羽公在外野往饋之馬鷄鶴踈踈公在乾侯徵寒與襦鷄鶴之巢遠哉搖搖稠父喪勞宋父以鷄鷄鷄往歌來哭至昭公時有鷄鶴來巢公攻李氏敗出奔齊居外野次乾侯八年死于外歸葬魯昭公名稠公子宋立是為定公成帝時諺曰邪徑敗良田讒口亂善人桂樹華不實黃爵巢其顛故為人所羨今為人所憐桂赤色象漢家華不實無繼嗣也王莽自謂黃象黃爵巢其顛也嚴公十七年冬多麋劉歆以為毛蟲之孽為災劉向以為麋色青近青祥也麋之為言迷也蓋牝獸之淫者也是時嚴公將取齊之淫女其象先見天戒若曰勿取齊女淫而迷國嚴不寤遂取之夫人既

入淫於二叔終皆誅死文帝後五年六月齊雍城門外有狗生
角先是帝兄齊悼惠王亡後帝分齊地立其庶子七人皆爲王
兄弟竝疆有炕陽心故犬旣見也犬守御角兵象在前而上鄉
者也犬不當生角猶諸侯不當舉兵鄉京師也天之戒人蚤矣
漢幸誅四王於齊成帝元延元年正月長安章城門門牡自亡
函谷關次門牡亦自亡京房易傳曰饑而不損茲謂泰厥災水
厥咎牡亡妖辭曰關動牡飛辟爲亡道臣爲非厥咎亂臣謀篡
故谷永對曰章城門通路寢之路 函谷關距山東之險城門
關守之固固將去焉故牡飛也

傳曰視之不明是謂不愆厥咎舒厥罰恒與厥極疾時則有草
妖時則有羸蟲之孽時則有羊旣時則有目痾時則有赤青赤
祥惟水沴火視之不明是謂不愆愆知也詩云爾德不明以亡
陪亡鄉不明爾德以亡背亡反言上不明暗昧蔽惑則不能知
善惡親近習長同類亡功者受賞有罪者不殺百官廢亂失在
舒緩故其咎舒也盛夏日長暑以養物政弛緩故其罰常與也
與則冬溫春夏不和傷病民人故極疾也誅不行則霜不殺草
繇臣下則殺不以時故有草妖溫與主蟲故有羸蟲之孽謂螟
螣之類離爲火爲目則水沴之武帝元狩六年冬亡冰先是比
年遣大將軍衛青霍去病攻祁連絕大幕還大行慶賞乃閱海
內勤勞遣博士褚大等六人持節巡行天下存賜瘵寡僖公三
十三年十二月隕霜不殺草劉歆以爲草妖也劉向以爲今十
月周十二月於易五爲天位爲君位九月陰氣至五通於天位

其卦為剝剝落萬物始大殺矣明陰從陽命臣受君令而後殺也今十月隕霜而不能殺草此君誅不行舒緩之應也僖公三十三年十二月李梅實劉向以為周十二月今十月也李梅當剝落今反華實近草妖也先華而後實不書華舉重者也昭帝時上林苑中大柳樹斷仆地一朝起立生枝葉有蟲食其葉成文字曰公孫病已立又昌邑國社有枯樹復生枝葉畦孟以為木陰類下民象當有故廢之家公孫氏從民間受命為天子者昭帝富於春秋霍光秉政以孟妖言誅之後昭帝崩無子更立衛太子之孫是為宣帝帝本名病已元帝初元四年皇后曾祖父濟南東平陵王伯墓門梓柱碎生枝葉上出屋劉向以為王氏貴盛將代漢家之象也成帝永始元年二月河南街郵樗樹

生支如人頭眉目須皆具亡髮耳哀帝建平三年十月次南西平遂陽鄉柱仆地生支如人形身青黃色面白頭有頰髮稍長大凡長六寸一分京房易傳曰王德衰下人將起則有木生為人狀昭公二十五年夏有鸚鵡來巢劉歆以為羽蟲之孽其色黑又黑祥也視不明聽不聰之罰也劉向以為有蜚有蠹不言來者氣所生所謂青也鸚鵡言來者氣所致所謂祥也昭帝元鳳元年有鳥與鵲鬪燕王宮中池上烏墮池死近黑祥也時燕王旦謀為亂遂不改寤伏辜而死史記魯定公時季桓子穿井得土击中得蟲若羊近羊駝也羊者地上之物幽於土中象定公不用孔子而聽季氏暗昧不明之應也左氏傳魯襄公時宋有生女子赤而毛棄之隄宋平公母共姬之御者見而收之因

名曰棄長而美好納之平公生子曰佐後宋臣伊戾讒太子痤而殺之京房易傳曰尊卑不別厥妖女生赤毛惠帝二年天雨血於宜陽一頃所劉向以爲赤青也呂太后崩大臣共誅滅諸呂僵尸流血

傳曰聽之不聰是謂不謀厥咎急厥罰恒寒厥極貧時則有鼓妖時則有魚孽時則有豕禍時則有目痾時則有黑青黑祥惟火沴水聽之不聰是謂不謀言上偏聽不聰下情隔塞則不能謀慮利害失在嚴急故其咎急也盛冬日短寒以殺物政促迫故其罰常寒也寒則不生百穀上下俱貧故其極貧也君嚴猛而閉下臣戰栗而塞耳則妄聞之氣發於音聲故有鼓妖寒氣動故有魚孽雨以譴爲孽龜能陸處非極陰也魚去水而死極

陰之孽也於易坎爲豕豕大耳而不聰察聽氣毀故有豕禍也一曰寒歲豕多死及爲怪亦是也及人則多病耳者故有耳痾水色黑故有黑青黑祥凡聽傷者病水氣水氣病則火沴之釐公十年冬大雨雪劉向以爲先是釐公立妾爲夫人陰居陽位陰氣盛也公羊經曰大雨雹董仲舒以爲公脅於齊桓公立妾爲夫人不敢進群妾故專一之象見諸雹皆爲有所漸脅也文帝四年六月大雨雪後三歲淮南王長謀反發覺遷道死京房易傳曰夏雨雪戒臣爲亂定公元年十月隕霜殺菽劉向以爲周十月今八月也於卦爲觀陰氣未至君位而殺誅罰不由君出在臣下之象也是時季氏逐昭公公死于外定公得立故天見災以視公也釐公二年十月隕霜不殺草爲嗣君微失秉事

之象也其後卒在臣下則災爲之生矣異故言草災故言菽重
殺穀一曰菽草之難殺者也言殺菽知草皆死也言不殺草知
菽亦不死也哀帝建平二年四月乙亥朔御史大夫朱博爲丞
相少府趙玄爲御史大夫臨延登受策有大聲如鍾鳴殿中郎
吏陛者皆聞焉上以問黃門侍郎楊雄李尋對曰洪範所謂
鼓妖者也師法以爲人君不聰爲衆所惑空名得進則有聲無
形不知所從生史記秦二世元年天無雲而雷劉向以爲雷當
託於雲猶君託於臣陰陽之合也二世不恤天下萬民有怨畔
之心是歲陳勝起天下畔趙高作亂秦遂以亡成帝鴻嘉四年
秋兩魚于信都長五寸以下成帝永始元年春北海出大魚長
六尺高一丈四枚哀帝建平三年東萊平度出大魚長八尺高

丈一尺七枚皆死京房易傳曰海數見巨魚邪人進賢人踈宣
公十五年冬蜾生劉歆以爲蜾蠃蠹之有翼者食穀爲災黑青
也董仲舒劉向以蜾螟始生也一曰螟始生是時民患上力役
解於公田宣是稅畝稅畝就民田畝擇美者稅其什一亂先王
制而爲貪利故應是而蜾生屬羸蟲之孽昭帝元鳳元年燕王
宮永巷中豕出園壞都竈銜其脯六七枚置殿前劉向以爲近
豕禍也時燕王旦與長公主左將軍謀爲大逆誅殺諫者暴急
無道竈者生養之本豕而敗竈陳脯於庭脯竈將不用宮室將
廢辱也史記秦武王三年渭水赤者三日昭王三十四年渭水
又赤三日劉向以爲近火沴水也秦連相坐之法葉灰於道者
者黥罔密而刑虐加以武伐橫出殘賊鄰國至於變亂五行氣

色謬亂天戒若曰勿為刻急將致敗亡秦遂不改至始皇滅六國二世而亡

傳曰思心之不睿是謂不聖厥咎霧厥罰恒風厥極凶短折時則有脂夜之妖時則有華孽時則有牛禍時則有心腹之痾時則有黃青黃祥時則有金木水火沴土思心者心思慮也睿寬也孔子曰居上不寬吾何以觀之哉言上不寬大包容臣下則不能居聖位貌言視聽以心為主四者皆失則區霧無識故其咎霧也雨旱寒與亦以風為本四氣皆亂故其罰常風也常風傷物故其極凶短折也傷人曰凶禽獸曰短草木曰折一曰凶天也兄喪弟曰短父喪子曰折在人腹中肥而色裹心者脂也心區霧則冥晦故有脂夜之妖一曰有脂物而夜為妖若脂水

夜汗人衣淫之象也一曰夜妖雲風竝起而杳冥故與常風同象也温而風則生螟螣有裸蟲之孽劉向以為於易巽為風為木卦在三月四月繼陽而治主木之孽實風氣盛至秋冬木復孽故有華孽一曰地氣盛則秋冬復孽一曰孽者色也土為內事為女孽也於易坤為土為牛牛大心而不能思慮思心氣毀故有牛禍一曰牛多死及為怪亦是也及人則多病心腹者故有心腹之痾土色黃故有黃青黃祥凡思心傷者病土氣土氣病則金木水火沴之故曰時則有金木水火沴肇公十六年正月六鵠退蜚過宋都左氏傳曰風也劉歆以為風發於它所至宋而高鵠高蜚而逢之則退經以見者為文故記退蜚傳以實應著言風常風之罰也象宋襄公區霧自用不容臣下遂司馬

子魚之諫而與疆楚爭盟後六年為楚所執應六鵠之數云秦孝文王五年游胸衍有獻五足牛者劉向以為近牛禍也先是文惠王初都咸陽廣大宮室南臨渭北臨涇思心失逆土氣足者止也戒秦建止奢秦將致危亡秦遂不改至於離宮三百復起阿房未成而亡昭二十五年春魯叔孫昭子聘于宋元公與燕飲酒樂語相泣也告人曰今茲君與叔孫其皆死乎吾聞之哀樂而樂哀皆喪心也心之精爽是謂魂魄魂魄去之何以能久冬十月叔孫昭子死十一月宋元公卒昭帝元鳳元年九月燕有黃鼠銜其尾舞王宮端門中往視之鼠舞如故王使夫人以酒脯祠鼠舞不休夜死黃梓也時燕刺王旦謀反將敗死亡也惠帝二年正月地震隴西廡四百餘家宣帝本始四年四

月壬寅地震河南以東四十九郡北海琅邪壞祖宗廟城郭殺六千餘人成公五年夏梁山崩穀梁傳曰隴河三日不流晉君帥羣臣而哭之迺流劉向以為山陽君也水陰民也天戒若曰君道崩壞下亂百姓將失其所矣哭然後流喪亡象也梁山在晉地自晉始而及天下也成帝河平三年二月丙戌犍為柏江山崩皆靡江水江水逆流壞城殺十三人地震積二十一日百二十四動元延三年正月丙寅蜀郡岷山崩靡江江水逆流三日迺通劉向以為周時岐山崩三川竭而幽王亡岐山者周所興也漢家本起於蜀漢今所起之地山崩川竭星孛又及攝提大角從參至辰殆必亡矣其後三世亡嗣王莽篡位傳曰皇之不極是謂不建厥咎既厥罰恒陰厥極弱時則有射妖時則有

龍蛇之孽時則有馬禍時則有下人代上之痾時則有日月亂
行星辰逆行皇之不極是謂不建皇君也極中建立也人君貌
言視聽思心五事皆失不得其中則不能立萬事失在眊悖故
其咎眊也王者自下承天理物雲起於山而彌於天天氣亂故
其罰常陰也一曰上失中則下彊盛而蔽君明也易曰亢龍有
悔貴而亡位高而亡民賢人在下位而亡輔如此則君有南面
之尊而亡一人之助故其極弱也盛陽動進輕疾禮春而大射
以順陽氣上微弱則下奮動故有射妖易曰雲從龍又曰龍蛇
之蟄以存身也陰氣動故有龍蛇之孽於易乾為君為馬馬任
用而彊力君氣毀故有馬禍一曰馬多死及為怪亦是也君亂
且弱人之所叛天之所去不有明王之誅則有篡弑之禍故有

下人伐上之痾凡君道傷者病天氣不言五行沴天而曰日月
亂行星辰逆行者為若下不敢沴天猶春秋曰王師敗績于貿
戎不言敗之者以自敗為文尊尊之意也昭帝元平元年四月
崩亡嗣立昌邑王賀賀即位天陰晝夜不見日月賀欲出光祿
大夫夏侯勝當車諫曰天久陰而不雨臣下有謀上者陛下欲
何之賀怒縛勝以屬吏吏白大將軍霍光光時與車騎將軍張
安世謀欲廢賀光讓安世以為泄語安世實不泄召問勝上洪
範五行傳曰皇之不極厥罰常陰時則有下人伐上不敢察察
言故云臣下有謀光安世讀之大驚以此益重經術士後數日
卒共廢賀此常陰之明效也史記夏后氏之衰有二龍止於夏
庭而言余褒之二君也夏帝卜殺之去之止之莫吉卜請其禱

而藏之乃吉於是布幣策告之龍亡而祭在乃匱去之其後夏
亡傳匱於殷周三代莫發至厲王未發而觀之祭流于廷不可
除也厲王使婦人羸而譟之祭化為玄龜入後宮處妾遇之而
孕生子懼而棄之宣王立女童言曰檠弧箕服實亡周國惠帝
二年正月癸酉旦有兩龍見於蘭陵延東里溫陵井中至乙亥
夜去劉向以爲龍貴象而困於庶人之井中象諸侯將有幽執
之禍其後呂太后幽殺二趙王諸呂亦終誅滅左氏傳魯嚴公
時有內蛇與外蛇鬪鄭南門中內蛇死劉向以爲近蛇妖也先
是鄭厲公劫相祭仲而逐兄昭公代立後厲公出奔昭公復入
死弟子儀代立厲公自外刳大夫傅瑕使僂子儀此外蛇殺內
蛇之象也蛇死六年而厲公立嚴公聞之問申繻曰猶有妖乎

對曰人之所忌其氣炎以取之妖由人興也人亡釁焉妖不自
作人棄常故有妖史記秦孝公二十一年有馬生人昭王二十
年牡馬生子而死劉向以爲皆馬禍也孝公始用商君攻守之
法東侵諸侯至於昭王用兵彌烈其象將以兵革抗極成功而
還自害也牡馬非生類妾生而死猶秦恃力彊得天下而還有
滅之象也成帝綏和二年二月大廐馬生角在左耳前圍長各
二寸是時王莽爲大司馬害上之萌自此始矣文公十一年敗
狄于鹹穀梁公羊傳曰長狄兄弟三人一者之魯一者之齊一
者之晉皆殺之身橫九晦斷而首而載之眉見於軾何以書記
異也劉向以爲是時周室衰微三國爲大可責者也天戒若曰
不行禮義大爲夷狄之行將至危亡其後三國皆有篡弑之禍

近下人伐上之病也史記秦始皇帝二十六年有大人長五丈足履六尺皆夷狄服凡十二人見于臨洮天戒若曰勿大爲夷狄之行將受其禍是歲始皇初并六國反喜以爲瑞銷天下兵器作金人十二以象之遂自賢聖燔詩書阮儒士奢淫暴虐務欲廣地南戍五嶺北築長城以備胡越塹山填谷西起臨洮東至遼東徑數千里故大人之於臨洮明禍亂之起後十四年而秦亡亡自戍卒陳勝發魏襄王十三年魏有女子子化爲丈夫京房易傳曰女子化爲丈夫茲謂陰昌賤人爲王丈夫化爲女子茲謂陰勝厥咎亡一曰男化爲女宮刑濫也女化爲男婦政行也哀帝建平中豫章有男子化爲女子嫁爲人婦生一子長安陳鳳言此陽變爲陰將亡繼嗣自相生之象平帝元始元年

六月長安女子有生兒兩頭異頸面相鄉四臂共胸俱前鄉尻上有目長二寸所京房易傳曰睽孤見豕負塗厥妖人生兩頭下相攘善妖亦同人若六畜首目在下茲謂亡上正將變更凡妖之作以譴失正各象其類二首下不壹也足多所任邪也足少下不勝任或不任下也凡下體生於上不敬也上體生於下媿瀆也生非其類淫亂也人生而大上速成也生而能言好虛也羣妖推此類不改乃成凶也

隱公三年二月己巳日有食之穀梁傳曰言日不言朔食晦公羊傳曰食二日董仲舒劉向以爲其後戎執天子之使鄭獲魯隱滅戴衛魯宋咸殺君左氏劉歆以爲正月二日燕越之分野也凡日所躔而有變則分野之國失政者受之嚴公十八年三

月日有食之穀梁傳曰不言日不言朔夜食史推合朔在夜明
旦日食而出出而解是爲夜食劉向以爲夜食者陰因日明之
衰而奪其光象周天子不明齊桓將奪其威專會諸侯而行伯
道昭公七年四月甲辰朔日有食之劉歆以爲二月魯衛分傳
曰晉侯問士文伯曰誰將當日食對曰魯衛惡之衛大魯小公
曰何故對曰去衛地如魯地於是有災其衛君乎魯將上卿是
歲八月衛襄公卒十一月魯季孫宿卒晉侯謂士文伯曰吾所
問日食從矣可常乎對曰不可六物不同民心不壹事序不類
官職不則同始異終胡可常也詩曰或宴宴居息或盡顛事國
其異終也如是公曰何謂六物對曰歲時日月星辰是謂公曰
何謂辰對曰日月之會是謂公曰詩所謂此日而食于何不臧

何也對曰不善政之謂也國無政不用善則自取適于日月之
災故政不可不慎也務三而已一曰擇人二曰因民三曰從時
此推日食之占循變復之要也凡春秋十二公二百四十二年
日食三十六左氏以爲朔十六二日十八晦一不書日者二惠
帝七年正月辛丑朔日有食之既在危十三度谷永以爲歲首
正月朔日是爲三朝尊者惡之五月丁卯先晦一日有食之幾
盡在七星初劉向以爲五月微陰始起而犯至陽其占重至其
八月宮車晏駕有呂氏詐置嗣君之害京房易傳曰凡日食不
以晦朔者名曰薄人君誅將不以理或賊臣將暴起日月雖不
同宿陰氣盛薄日光也元符元年五月乙巳晦日有食之在柳
六度京房易傳推以爲是時日食從彗右法曰君失臣明年丞

相公孫弘薨日食從旁左者亦君失臣從上者臣失君從下者
君失民成帝建始三年十二月戊申朔日有食之其夜未央殿
中地震谷永對曰日食婺女九度占在皇后地震蕭牆之內咎
在貴妾二者俱發明同事異人共掩制陽將害繼嗣也日食
則妾不見日地震則后不見異日而發則似殊事亡故動變則
恐不知是月后妾當有失節之郵故天因此兩見其變若曰違
失婦道隔遠衆妾妨絕繼嗣者此二人也凡漢著紀十二世二
百一十二年日食五十三朔十四晦三十六先晦一日三成帝
建始元年八月戊午晨漏未盡三刻有兩月重見京房易傳曰
婦貞厲月幾望君子征凶言君弱而婦彊爲陰所乘則月竝出
殿公七年四月辛卯夜恒星不見夜中星隕如雨董仲舒劉向
以爲常星二十八宿者人君之象也衆星萬民之類也列宿不
見象諸侯微也衆星隕墜民失其所也夜中者爲中國也文公
十四年七月有星孛入于北斗董仲舒以爲孛者惡氣之所生
也謂之孛者言其孛孛有所妨蔽闇亂不明之貌也北斗大國
象後齊宋魯莒晉皆弒君劉向以爲君臣亂於朝政令虧於外
則上濁三光之精五星羸縮變色逆行甚則爲孛北斗人君象
孛星亂臣類篡殺之表也左氏傳曰有星孛于大辰西及漢申
繻曰彗所以除舊布新也天事恒象今除於大火出必布焉諸
侯其有大災乎梓慎曰火出於夏爲三月於商爲四月於周爲
五月夏數得天若火作其四國當之在宋衛陳鄭乎宋大辰之
虛陳太昊之虛鄭祝融之虛皆火房也星孛及漢漢水祥也衛

顛頊之虛其星為大水水火之牡也其以丙子若壬午作乎水火所以合也武帝建元六年八月長星出于東方長終天三十日去占曰是為蚩尤旗見則王者征伐四方其後兵誅四夷連數十年惠帝三年隕石綿諸一武帝征和四年二月丁酉隕石雍二天晏無雲聲聞四百里成帝建始四年正月隕石橐四肥累一哀帝建平元年正月丁未隕石北地十其九月甲辰隕石虞二平帝元始二年六月隕石鉅鹿二自惠盡平隕石凡十一皆有光耀雷聲成哀尤屢

唐鑑開元間山東大蝗姚崇奏詩云秉畀炎火此除蝗之義也乃出御史為捕蝗使分道殺蝗倪若水上言除天灾者當以德昔劉聰除蝗不克而害愈甚崇移書謂之曰聰偽主德不勝妖

今妖不勝德若水懼乃縱捕得蝗十四萬石時議者喧譁崇曰討蝗縱不能盡不愈於養以遺患乎帝然之盧懷謹曰天灾安可以人力制且殺蟲多必戾和氣願公思之崇曰昔楚王吞蛭而厥疾瘳叔敖斷蛇而福乃降今蝗幸可驅若縱之殺且盡如百姓何殺蟲疲之禍歸於崇不以諉公也蝗害訖息

漢平帝時蝗詔使首

捕蝗詣吏者以石斗受錢

員半千為武陽尉歲旱勸令發倉賑民令不從及令謁州半千悉發之下賴以濟太守怒囚千獄會薛元超持節渡河讓太守曰君有民不能恤使惠出一尉尚何罪釋之

馬援為武陵太守郡連有蝗援賑貧

蠶薄賦稅蝗飛入海化為魚蝦

類聚祥符九年飛蝗過京城上詣王清宮靈感塔焚香祈禱禁

宮城音樂三日先是上出死蝗示大臣翌日執政有袖死蝗以進者請示於朝率百官賀王旦曰蝗出於災災弭幸也又何賀焉固不可乃止於是二府方奏事飛蝗蔽天上曰使百官方賀而蝗若此豈不爲天下笑耶

筆談景祐二年吳中大餓范仲淹鎮浙西發粟募民給餉爲術甚備監司奏劾公於杭州不恤荒公乃自爲條敘所以宴游及興造皆欲以有餘之財以惠貧者貿易飲食工技服力之人仰食於公私者無慮萬數荒政之施莫此爲大元豐中慶州界生子方虫則以鉗搏之悉爲兩段旬日子方皆盡歲以大穰其虫舊曾有之土人謂之傍不肯

言行錄富公弼知鄆州自鄆移青會河朔大水民流京東擇所部豐稔者三州勸民出粟得十五萬斛益以官廩隨所在貯之得公私廬舍千餘萬間散處其人以便薪水山林河渡之利有可取以爲生者聽流民取之其主不得禁凡活五十萬人募而爲兵者又萬餘人上聞之即拜禮部侍郎公曰救蓄守臣職也辭不受前此救災者皆聚民城郭中煮粥食之聚爲疾疫或待次數日不食得粥皆僵仆名爲救之而實殺之自公立法簡便天下傳以爲法范公堯夫知慶州餓莩滿路官無穀以賑恤公欲發常平封椿粟濟之州郡皆欲俟奏請得旨而後散公曰人七日不食即死何可待報諸公但勿預吾寧獨坐罪紀聞趙清獻知越州兩浙旱蝗米價踊貴餓死者十五六諸州皆榜衢路立賞禁人增米價公獨榜衢路令有米者任增價糶

之於是諸州米高輻輳詣越米價更賤民無饑死者

厚德錄張忠定公詠在成都府嘗夜夢謁紫府真君接語未久
吏忽報請到西門黃兼濟承事至以幅巾道服而趨青君降階
接之禮頗隆盡且揖張公坐承事之下詢顧詳款似有欽嘆之
意公翌旦即遣典客詣西門請黃承事者戒令具常所衣服來
比至果如夢中所見公即以所夢告之問平日有何陰德蒙真
君厚遇如此且居某之上座耶兼濟云無他長惟每歲遇禾麥
熟時以錢三萬緡收糴至明年禾麥未熟小民艱食之際價直
不增升斗亦無高下在我者初無所損而小民得濟所急公曰
此承事所以坐某之上也令索公裳二吏掖之使端受四拜黃
公後裔蕃衍至今在仕路者比比青紫

宋鑑乾道間朱文公作社倉於建使貧民歲以中夏受粟於倉

冬則加息什二以償歲小不收則弛其息之半大侵則盡弛之

期以數年子什其母則惠足以廣而息遂捐以予民行之累年

人以為便語錄或言辛幼安帥湖南賑濟榜文祇用八字曰劫

禾者斬開糴者配先生曰這便見他有才此八字做

兩榜便鄭俠監在京安上門會大旱自十一月至于三月河東河北陝

西流民大入京帥與城外饑民市麻粃麥為之糜或掘草根採

木實以食俠上疏曰今天下憂苦質妻鬻女父子不保折屋伐

桑爭貨于市輸官糴米皇皇不給之狀繪為一圖此臣安上門

口所見百不及一歐陽永叔荅朱案捕蝗歌捕蝗之術世所非欲究此語興於誰

或言豐凶歲有數天孽未可人力支或言蝗多不易捕驅民入野踐其畦因之奸吏恣貪擾戶到頭歛無一遺蝗災食苗民自苦吏虐民苗皆被之吾嗟此語祇知一不究其本論其皮驅雖不盡勝養患昔人固已决不疑秉蠱投火况舊法古之去惡猶如斯

總敘 春之稱曰夏之父絕曰養生之首曰布德之元郎春帝

曰執規春名花曰掛裙幄曰駐馬飲長安士女遊春野步遇名花則設席藉草以紅裙遮

相掉掛為宴幄又於花樹下往來使僕從執酒盃隨之遇好花則駐馬而飲春之戲曰擲金唐內官

錢為戲曰鬪奇花長安士女先時千金市名花植庭中以備春時之鬪春禮神曰青祇張

詩太緯啓東節春郊禮青祇二月曰震節漢張遷碑二月立春水曰神水要

立春貯水謂之神水釀酒不壞春之浴曰五木香正月取五木湯以浴之令人

木春之飲曰折七松董勛答問歲首折松枝曰松柏酒楚人上

香庚信詩柏葉隨銘三月盡曰歲單文選言蠶之夏帝曰執衡氣

至椒花逐頌來曰九暑管九暑乃至夏月曰南火李白序槿盈芳園蟬肅珍夏

樹曰連陰夏雨曰綿雨陸機伏日祭曰薦麥瓜月令初伏薦秋

帝曰執矩秋之候曰蕭晨殷仲文哲匠感蕭曰大曼靈運秋岸

曼圍朝露張景曰金素謝靈運述職期闌曰迅商謝宣遠詩輕

陽大火流坤維曰商天范絳詩戊日辭巢曰陰中律曆

商動清閑孤燈暖幽慢曰龍沙堆南昌有龍沙堆北帶江沙阜遠

為陽中秋九日遊處曰湖山臨海紀郡北四十里有湖山形

五六里俗為登高處權曰湖山平正可容數百人坐每菊酒之

德輿詩龍沙重九會重九節曰陽蘇頌詩頤陪陽數曰菊花

辰燕此山者三四重九節曰陽蘇頌詩頤陪陽數曰菊花

節王維詩無窮菊花中秋夜曰一半秋羅隱一半秋冬帝曰執

節王維詩無窮菊花中秋夜曰一半秋羅隱一半秋冬帝曰執

節王維詩無窮菊花中秋夜曰一半秋羅隱一半秋冬帝曰執

節王維詩無窮菊花中秋夜曰一半秋羅隱一半秋冬帝曰執

權冬曰德寒呂覽冬之德寒不信其地不成剛則凍閉不開十月曰良月左就

也冬至候曰玄明天呂春秋冬至日行遠道曰辰星升考異郵

辰星升辰星曰天地交讓神農書冬至陰陽合精天地交讓冬至日行曰駿狼之山郭璞

云駿狼之長暉玄陸之短影冬物將萌芽曰諸生蕩禮月季冬曰嚴月九月

至十二月曰歲夕彙苑改月曰徙月禮月明歲曰翌歲左往時曰異

時食貨志隔一歲曰間歲自往年三月至今年四月日期有月武紀

暮有月而取時日之便曰便時王后紀便時上林延壽門五年曰五稔不可

稔稔穀熟也此時之前曰前是五行志前是日未明曰昃音勿律

早旦曰昃幽通賦昃昃極古今曰窮宙又迺窮宙而達幽未移景曰

未靡旃選日未遲速曰淹速賈淹速中間之時曰間者文夜曰

宿夜衣紀宿須臾曰須臾禮樂志神奄天地四時人之始曰七

始上日出之後曰陽鼂校獵賦天子乃以未多時曰居無幾何

曰居無何李廣傳光景徙曰靡景王褒傳忽明時曰昭時終軍傳

時令未運曰標季谷永曰當陽從今至於久曰經今兩粵傳終

使如歲滿曰旬歲若十日年已去曰馳年言去如曰往紀依紀

盈月末曰月夕歲末曰歲竟高自謙其貧賤之壽曰草木年故

世上公卿貴且養人間草木年曰犬馬年空催犬稱人芳年曰東扶景君如東

曰奢年交臂乃壯年曰丁年丁羊奉使已過之年曰愆稔此愆

稔曰徂齡徂齡曰華茲歇坐蕙華長年曰遐紀服食歷曰頽

齡俱彙候天曉曰遲明徹曉曰際明曰通昔莊平明曰質明禮

一夜曰一昔左為一期行夜曰當夜左序當明旦曰詰朝左向者

曰迺者宣外事用曰剛日禮甲丙戊庚內事曰柔日乙丁巳辛

用之終旦曰考旦向日曰日者久而影移曰移日漢奏事明日

復旦曰申旦楚詞申旦以舒夜長曰遙昔選兩日曰兼辰選連

日曰貫日前時暫曰食頃曰語頃詞深夜曰良夜漢光武幸奈

罷月明白夜月明夜白黑夜曰玄夜遺思在五更曰五夜甲

乙丙丁戊夜謂之五鼓乙丙丁戊夜不能安寢蘊積年穀曰蘊年左母鬼神之事曰禳

祥趙王傳好治天賜福曰嘉况皇天嘉曰嘉嚮宣紀上帝嘉曰

儲祉相如傳上帝眾瑞曰嘉生郊祀志神福事曰熙事禮樂志

成禧同福盛曰休嘉又休嘉延壽曰曼壽又德施大饒降

福曰錫羨甘泉賦郵胤降福曰發祥河東賦神喜曰宴神

音嬉宴嬉反禍為福曰詭禍五子久憂曰宿憂徐樂傳天懲禍曰

創禍五行志創不當天心曰不鄉又以章禍亂之迹曰亂從食

志又云博禍可除博大也欲墜意曰帖危危若是帖迫也太平曰清穆之世

曰天下密如窾封禪曰昭姓考瑞倪洪水曰沈蕃揚雄傳以

虛珥災曰抹殺災異谷歲大豐曰上歲史天大有年公羊凶曰

歲惡不入賞日星所在曰氏房為鳥二足為鳥三足為星在日中

度月星所在曰昴畢為兔四足為蟾蜍三足兔在月中而雲雨

雷電星曰蝦訾甘氏經雷公電姥雲將雨師與夫霹靂斧吏皆

夜漏曰二十五聲唐李鄴詩二十五聲秋點長至宋國祚長短

去五更後二點又并初更去其二宋更鼓曰六更歸來已六更

不知何說後見蟬精雋云宋內五更絕柳鼓通作早鍾曰夜半

謂之蝦蟆更其時禁開而百官入所謂六更也早鍾曰夜半

鍾蘇軾楓橋詩夜半鍾聲到客船承叔疑夜半非鍾時然官始

知別後家中伴遙聽維山半夜鐘皇前丹夜半隔山鍾陳

羽關水悠悠半夜鍾齊丘仲孚好讀書以中霄鍾鳴為限夷人

謂歲首曰草生月

女真其民不知紀年問之則曰我見草青樂

詞於草生月天

又曰木王月

木王月命臣潛龍氏作甲曆皇策

兩降龍馬負圖

又曰木王月

辭後一月命臣潛龍氏作甲曆皇策

月記其歲之春也所謂一易草

夏浚井曰改水

日鑽燧改火夏

至日浚井改水然則古人水

甲子取其同類曰乙子丁子

古器

火皆改所謂陰鑑陽鑑也

甲子取其同類

朔日日始出而食曰夜

子丁子即丙子世質人淳取其同類

朔日日始出而食

曰夜

蝕穀梁桓十八年三月日有食之不言朔夜食也鄭釋云一日

自以夜食夜食則亦屬前月之晦

蓋子丑婦人服星曰離瑜

離主衣也瑜王飾皆婦人服星

也微則後宮儉約明大則婦人奢

也

